

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 460718 25 St 2
Tuzla, 08.05.2026. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom „FAHMED“ d.o.o. za trgovinu i usluge Tuzla, ul. Sepetari b.b., provedenog stečajnog postupka, donio je dana 08.05.2026. godine sljedeće:

RJEŠENJE

OTVARA SE stečajni postupak nad imovinom dužnika „FAHMED“ d.o.o. za trgovinu i usluge Tuzla, ul. Sepetari b.b., matični broj subjekta 1-11746, JIB: 4209466440001, račun broj: 1321000310845529 otvoren kod NLB banka d.d. Sarajevo.

Za stečajnog upravnika imenuje se Maja Musemić iz Tuzle.

ZAKLJUČUJE SE stečajni postupak nad imovinom dužnika „FAHMED“ d.o.o. za trgovinu i usluge Tuzla, ul. Sepetari b.b., zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 460718 25 St 2 od 04.09.2025. godine, pokrenut je prethodni postupak radi utvrđivanja uslova za otvaranje stečajnog postupka nad imovnom društvu „FAHMED“ d.o.o. za trgovinu i usluge Tuzla, ul. Sepetari b.b., a za privremenog stečajnog upravnika imenovan je Maja Musemić iz Tuzle, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 02.10.2026. godine. Iz izvještaja privremenog stečajnog upravnika i dokumentacije u spisu proizilazi da je društvo osnovano 2000. godine, a da je prema izjavi zastupnika prestalo sa obavljanjem poslovne djelatnosti 2004. godine dok je bankovni račun društva ugašen 29.06.2006. godine. Finansijski izvještaj nisu redovno sačinjavani, prema finansijskim pokazateljima iz knjigovodstvenih evidencija za 2021 i 2022 godinu nema dugoročnih niti kratkoročnih obaveza, s tim da iz Uvjerenja PU F BiH proizilazi da društvo ima obaveza u iznosu od 10.732,06 KM, s tim da bi se stvarno stanje obaveza moglo utvrditi tek na osnovu prijave potraživanja u slučaju otvaranja stečaja. Društvo na dan otvaranja prethodnog postupka nema uposlenika. Društvo u svom vlasništvu nema nekretnina što je utvrđeno uvidom u javne evidencije, nema pokretnih stvari, niti je pronađena bilo kakva druga imovina iz koje bi se mogli finansirati troškovi stečaja i namiriti povjerioci.

Dakle, sud nalazi da je prijedlog dopušten jer je podnesen od strane zakonom ovlaštenog lica i postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju, te da prijedlog nije podnesen u roku od 60 dana od nastupanja platežne nesposobnosti (platežna nesposobnost nastupila u 2004. godini, a prijedlog podnesen 26.02.2024. godine).

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 18.02.2026. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 8.574,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 17/26 dana 04.03.2026. godine, oglasnoj tabli suda dana 19.02.2026. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.